

25-84-241098 сонли

**ГАРОВГА БЕРИЛАЁТГАН АВТОТРАНСПОРТ ВОСИТАЛАРИ ВА АВТОКРЕДИТЛАРНИ
СУҒУРТА ҚИЛИШ БОШ ШАРТНОМАСИ**

Тошкент ш.

«30» июл 2024 йил

Ўзбекистон Республикаси Истиқболли лойиҳалар миллий агентлиги томонидан 2023 йил 26 сентябрда берилган 135840-сон лицензия асосида ҳаракат қиладиган, кейинги ўринларда «Суғурталовчи» деб аталадиган «SEMURG INSURANCE» АЖ номидан Низом асосида ҳаракат қилувчи Бош Директор Р.Кадиоров бир томондан, ва кейинги ўринларда «Наф олувчи/Қарз берувчи» деб номланувчи «DAVR BANK» ХАТБ, унинг номидан Низом асосида фаолият юритувчи Бошқарув Раиси А.А.Самадов иккинчи томондан, мазкур Гаровга берилаётган автотранспорт воситалари ва автокредитларни суғурта қилиш бош шартномаси (кейинги ўринларда - Суғурта шартномаси) ни қуйидагилар тўғрисида туздилар:

I. ШАРТНОМАНИНГ ПРЕДМЕТИ.

1.1. Суғурталовчи, мазкур суғурта шартноманинг шартларига мувофиқ, шартномада белгиланган суғурта ҳодисаси юзага келганда кредит шартномасида кўрсатилган Суғурта қилдирувчининг олган кредит суммасини суғурта полисида кўрсатилган суғурта даври мобайнида қайтара олмаган қисмини тўлаб бериш ҳамда кредит шартномаси асосида ҳарид қилинадиган (гаровга қўйилаётган) автотранспорт воситасига етказилган зарарни қоплашни зиммасига олади. Суғурта қилдирувчи/Қарз олувчи эса мазкур суғурта шартномасида кўзда тутилган тартибда ва муддатларда суғурта мукофотини (бадалини) тўлашни зиммасига олади.

II. АТАМАЛАР.

Суғурталовчи – Суғурта шартномасига мувофиқ суғурта товонини тўлаш мажбуриятини зиммасига олувчи юридик шахс – «SEMURG INSURANCE» АЖ.

Суғурта қилдирувчи/Қарз олувчи – Суғурта шартномасига асосан ўз мулкый манфаатларини ёки учинчи томоннинг мулкый манфаатларини суғурталайдиган томон.

Наф олувчи/Қарз берувчи – Суғурта қилдирувчи томонидан суғурта шартномаси бўйича суғурта тўловларини олиш учун белгиланган юридик шахс – «DAVR BANK» ХАТБ.

Суғурта шартномаси - ёзма келишув бўлиб, унга кўра суғурталовчи келишувда шартлашилган ҳақ (суғурта мукофоти) эвазига келишувда назарда тутилган воқеа (суғурта ҳодисаси) содир бўлганда суғурта қилдирувчига суғурта товонини тўлаш мажбуриятини олади.

Суғурта ҳодисаси – амалда юз берган, унинг салбий ёки бошқа турдаги белгилаб қўйилган оқибатларига боғлиқ ҳолда Суғурталовчининг суғурта товонини тўлаш мажбурияти юзага келадиган ҳодиса.

Суғурта суммаси – Суғурталовчи унинг доирасида суғурта шартномаси бўйича суғурта товонини тўлаш мажбуриятини зиммасига оладиган сумма бўлиб, унинг миқдори Суғурта қилдирувчининг Суғурталовчи билан келишуви орқали белгиланади.

Автотранспорт воситаси - кредит шартномаси асосида ҳарид қилинадиган автотранспорт воситаси.

Суғурта товони – Суғурталовчи томонидан Суғурта қилдирувчига/Наф олувчига суғурта шартномасида кўзда тутилган суғурта ҳодисаси юзага келиши туфайли келиб чиққан зарарларни белгиланган тартибда қоплаш учун тўланадиган сумма.

Суғурта тарифи – суғурта мукофотининг суғурта суммасига нисбатан меъёрланган миқдори. Мутлақ пул кўринишида ёки суғурта суммасидан фоизларда аниқланади.

Суғурта мукофоти (бадали) – Суғурта қилдирувчи Суғурталовчига суғурта шартномасида белгиланган тартибда ва муддатларда тўлаши шарт бўлган суғурталаш учун тўлов.

Суғурта ҳодисаси тўғрисидаги далолатнома – Суғурталовчи томонидан унинг суғурта ҳодисаси юзага келганлигини эътироф этиши пайтида тузиладиган ва суғурта товонини тўлаш учун асос бўладиган ҳужжат.

Суғурта полиси - Суғурталовчининг мазкур шартнома бўйича мажбуриятлари кучга кириши ҳолатини тасдиқлайдиган, Суғурта қилдирувчига унинг суғурта мукофотини ёки унинг биринчи қисмини (бадалини) тўлашидан кейин бериладиган ҳужжат.

Шартсиз франшиза – Суғурта қилдирувчи зарарларининг маълум қисми бўлиб, уни қоплаб бериш бўйича Суғурталовчи жавобгар бўлмайди. Шартсиз франшизада Суғурталовчининг жавобгарлиги франшизанинг суммаси айирилган зарарнинг миқдори билан белгиланади.

Суғурта объекти – мазкур суғурта шартномаси бўйича 2 та риск суғурталанган бўлиб, биринчи риск бўйича суғурта қилдирувчининг олган кредитини қайтара олмаслиги билан боғлиқ бўлган Ўзбекистон Республикаси қонунларига зид бўлмаган мулкый манфаатлар, иккинчи риск бўйича гаровга қўйилаётган автотранспорт воситалари билан боғлиқ бўлган Ўзбекистон Республикаси қонунларига зид бўлмаган мулкый манфаатлар ҳисобланади.

Суғурталаш муддати – суғурта объекти суғурталанган вақт оралиғи.

Кутиш даври - шартномада кўрсатилган тўлов санасидан бошлаб ҳисобланадиган, суғурта шартномасида келишилган воқеа натижасида содир бўлган зарарни қоплашгача ўтиши лозим бўлган кетма-кет календарь кунлари сони – 365 кун (кутиш даври - қарз олувчининг олган кредитини қайтара олмаслик жавобгарлигини суғурта қилиш rischi бўйича қўлланилади).

Географик зона – Ўзбекистон Республикаси.

III. СУҒУРТА ҲОДИСАЛАРИ.

3.1. Мазкур суғурта шартномаси бўйича қуйидаги рисклар суғурта қилинади:

3.1.1. Суғурта қилдирувчининг/Қарз олувчининг олган кредитини қайтара олмаслик жавобгарлигини суғурта қилиш - Суғурта ҳодисаси бўлиб, Суғурта қилдирувчининг/Қарз олувчининг суғурта шартномаси амал қилиш муддати давомида бахтсиз ҳодиса туфайли вафот этиши натижасида кредит тўловларини шартномада белгиланган муддатда ва миқдорда қайтара оламаслиги ҳисобланади.

3.1.2. Автотранспорт воситасининг йўқотилиши ёки шикастланиши - Суғурталовчи кредит шартномаси асосида ҳарид қилинган (суғурталанган) автотранспорт воситасига ер ости сувларининг таъсир этиши, сел, яшин уриши, зилзила ва учар жисмларнинг тушиб кетиши натижасида етказилган зарарларни қоплаб беради.

IV. ИСТИСНОЛАР.

4.1. Суғурта қилдирувчининг/Қарз олувчининг олган кредитини қайтара олмаслик жавобгарлигини суғурта қилиш.

4.1.1. Мазкур суғурта шартномаси бўйича суғурталовчи қуйидаги ҳолатларда Суғурта қилдирувчининг/Қарз олувчининг юзага келган зарарлари бўйича жавобгарлик олиб бормайди:

- кредитлаш тартиби ва қоидаларига амал қилмаслик натижасида ва кредит маблағини мақсадли ишлатилмаслиги оқибатида кредит суммасининг тўлиқ ёки қисман қайтарилмаслиги;

- мазкур суғурта шартномасининг 3.1.1. бандида кўрсатиб ўтилган таваккалчиликлардан ташқари ҳодиса содир бўлган бўлса;

- агар Суғурта қилдирувчи/Қарз олувчи ёки Наф олувчи/Қарз берувчи ўз вақтида суғурталовчини белгиланган муддатда амалга оширилмаган тўловлар бўйича ва суғурта ҳодисалари юзага келганда ўз вақтида ёзма равишда огоҳлантирмаган бўлса;

- Суғурта қилдирувчи/Қарз олувчи ёки Наф олувчи/Қарз берувчи томонидан суғурталовчига зарар миқдорини ва келиб чиқиш сабабини аниқлашда ҳалақит берса;

- агар Суғурта қилдирувчи/Қарз олувчи ёки Наф олувчи/Қарз берувчи қуйидаги қўпол хатоликларга йўл қўйса: ҳақиқий бўлмаган битимларга кредит бериш; кредит шартномаси шартларини бузиб ўз вақтида кредит ажратмаслик; кредит ўтказилишида ва қайтаралишида хатоликларга ва қоида бузилишларига йўл қўйиш; суғурта ҳодисаси юзага келганда Суғурта қилдирувчи/Қарз олувчи томонидан тўланган маблағларни кредит қайтарилиши сифатида эмас бошқа мақсадларга қирим қилинган бўлса; кредитни мақсадли ишлатилиши бўйича назорат қилинмаган бўлса; кредит тўлиқ миқдорда берилмаган бўлса;

- Суғурта қилдирувчи/Қарз олувчи ёки Наф олувчи/Қарз берувчи суғурта ҳодисасини келтириб чиқаришга қаратилган қасддан қилган ҳаракатлари (кредит олишдаги товламачилик, ноқонуний тадбиркорлик, ўғирлик, порахўрлик, фирибгарлик, ҳокимият ёки мансаб ваколатларини суистеъмол қилиш, ёлгон, сохта банкротлик);

- Наф олувчи/Қарз берувчи Суғурта қилдирувчи/Қарз олувчининг кафилидан ташқари барча учинчи шахсларнинг молиявий мажбуриятларини бажармаслиги, банкротлик ёки тўлов қобилиятига эга эмаслиги.

4.1.2. Суғурталовчи қуйидаги ҳолатларда - Суғурта қилдирувчи/Қарз олувчи ёки Наф олувчи/Қарз берувчига суғурта товонини тўламаслик ҳуқуқига эга:

- мазкур суғурта шартномаси амалда бўлган даврда Наф олувчи/Қарз берувчи суғурталовчи билан келишмасдан, унинг ёзма розилигини олмасдан кредитни (қарзни) қайтариш графикларини (тўлаш санаси, суммаси) ўзгартирса, унга ўзгартириш киритса ёки бошқа шартларига қўшимча ёки ўзгартиришлар киритса;

- Наф олувчи/Қарз берувчи кредит шартномаси шартларини бажармаса, шунингдек қарз олувчида кредитни қайтариш имконияти бўла туриб, банк томонидан қарзни кредит шартномасида кўрсатиб ўтилган вақтда ва миқдорда ундириш чоралари қўрилмаган бўлса.

4.1.3. Суғурта қуйидагиларга нисбатан тадбиқ этилмайди:

- кредит шартномаси асосида ҳисобланган ҳар қандай кредитдан фойдаланганлик учун фоизлар, қарз олувчининг кредит шартномаси шартларини бажармаганлиги учун ҳисобланган пеня, жарима ва бошқа пул маблағлари;

- Суғурта қилдирувчи/Қарз олувчи ёки Наф олувчи/Қарз берувчининг судда ўз ҳуқуқларини ҳимоя қилиш билан боғлиқ ҳаражатлари, шу жумладан суд ҳаражатлари;

- Суғурта қилдирувчи/Қарз олувчининг кредит суммасини қайтаришда адашиб бошқа счетларга ўтказиши ёки шу билан боғлиқ нотўғри амалга оширилган ўтказмалардан қўрилган зарарлар.

4.2. Автотранспорт воситасининг йўқотилиши ёки шикастланиши.

4.2.1. Агар ҳодиса қуйидагилар натижасида юз берса, у суғурта ҳодисаси ҳисобланмайди:

- мазкур суғурта шартномасининг 3.1.2. бандида кўрсатиб ўтилган таваккалчиликлардан ташқари ҳодиса содир бўлган бўлса;

- Суғурта қилдирувчи/Қарз олувчининг ёки автотранспорт воситаси уларнинг тасарруфида бўлган бошқа шахсларнинг суғурта ҳодисаси юзага келишига қаратилган қасддан қилган ҳаракатлари, уларнинг ўз фуқаролик бурчини бажариши ёхуд ўзининг ва учинчи шахсларнинг ҳаётини, соғлиғини, шаъни ва кадр-қимматини ҳимоялаш билан боғлиқ ҳаракатлар бундан мустасно;

- исталган шаклдаги алкоғолли, гиёҳвандлик ёки токсик мастлиги ҳолатида ёки реакция тезлигини ва диққатини пасайтирувчи дори препаратларининг таъсирида бўлган Ҳайдовчининг автотранспорт воситаларини бошқариши, шунингдек агар суғурталанган автотранспорт воситасининг ҳайдовчиси ЙТХ жойидан қочиб яширинса ёки тиббий кўрикдан (мастлик ҳолатини аниқлаш бўйича экспертизадан) ўтишдан бош тортса;

- ҳайдовчининг оловдан ва портлашдан хавфли моддаларни ва буюмларни сақлаш ва ташиш қоидаларини бузиши;

- ҳайдовчининг темир йўлдан ўтишда йўл ҳаракати қоидасини бузиши, светофорнинг қизил сигналида (қизил чироқ ёнганда) ҳаракатланиши ва йўлнинг қарама-қарши ҳаракат йўл тасмасига чиқиши;

- йўлнинг ҳаракат қисмининг нотекислиги ёки ёмон ҳолати, ўткир буюмларни босиб ўтиши туфайли шиналарнинг шикастланиши, агар уларнинг шикастланиши автотранспорт воситасининг шикастланишига ёки нобуд бўлишига олиб келмаган бўлса;

- доимий таъсир этувчи фойдаланиш омилларининг таъсири (эскириш, эрозия, коррозия, қуйқа ҳосил бўлиши ва ҳоказо), умуман автотранспорт воситаси, шу жумладан унинг айрим деталлари ва тармоқларининг аста-секин шикастланиши.

4.2.2. Қуйидагилар учун суғурта товони тўланмайди:

- ташқи омиллар сабаб бўлмаган ички бузилишлар учун;

- автотранспорт воситасига ўрнатилган ва унинг заводдаги бутланишига кирмайдиган қўшимча жиҳоз-ускуналарнинг ўғирланиши, нобуд бўлиши ёки шикастланиши учун, агар ушбу қўшимча жиҳоз-ускуналар суғурта шартномасининг жадвалида тегишли позиция бўйича махсус кўрсатилган бўлмаса;

- автотранспорт воситасининг ўғирланиши, унинг учинчи шахсларнинг ноқонуний ҳаракатлари оқибатида йўқ қилиниши ёки шикастланиши учун, агар ваколатли органларга ариза берилмаган бўлса, шунингдек агар ушбу ҳолат ваколатли органлар томонидан тасдиқланмаган бўлса;

- автотранспорт воситасининг шикастланиши оқибатида унинг товар кўриниши йўқотилишидан кўрилган зарарлар;

- Суғурта қилдирувчи Суғурталовчига шикастланган автотранспорт воситасини ёки унинг қолдиқларини тақдим этишдан бош тортган ҳолда, улар қолдиқсиз нобуд қилиниши мумкин бўлган ҳолатлар бундан мустасно;

- суғурталанган автотранспорт воситаси давлат органларининг қарорига кўра олиб қўйилиши, мусодара, реквизиция қилиниши, хатланиши ёки йўқ қилиниши оқибатида юз берган зарарлар;

- суғурталанган автотранспорт воситасини қаровсиз (эшиқларни очик қолдириш, қалитни ўт олдиргич оғзида қолдириб кетиши) қолдириш оқибатида автотранспорт воситаси олиб қочилса.

4.3. Умумий истиснолар.

4.3.1. Суғурталовчи Суғурта қилдирувчи/Қарз олувчи ёки Наф олувчи/Қарз берувчига суғурта товонини тўлашни рад этишга ҳақлидир, агар:

- суғурталанган автотранспорт воситаси Суғурталовчи билан ёзма келишувсиз лизингга, ижарага, прокатга ёки гаровга берилган бўлса;

- Суғурта қилдирувчи/Қарз олувчи ёки Наф олувчи/Қарз берувчи мазкур шартномада кўзда тутилган мажбуриятларни бажармаган бўлса;

- амалдаги қонунчиликка мувофиқ суғурталанган автотранспорт воситасини бошқариш ҳуқуқи бўлмаган шахс суғурталанган автотранспорт воситасини бошқарган бўлса;

- ҳодиса тўғрисидаги аризада Суғурта қилдирувчи/Қарз олувчи, Наф олувчи/Қарз берувчи ёки унинг вакили зарарнинг сабаблари ва миқдори тўғрисида ёлғон маълумот кўрсатган бўлса;

- Суғурта қилдирувчи/Қарз олувчи, Наф олувчи/Қарз берувчи ёки унинг вакили зарарнинг сабаблари ва миқдорини аниқлаш учун керакли ҳужжатларни тақдим этмаган бўлса;

- Суғурта ҳодисаси тўғридан-тўғри ёки билвосита хавф даражасининг ўзгариши (8.2.4.-банд) туфайли юзага келган бўлса ва бу ҳақда Суғурта қилдирувчи/Қарз олувчи ёки Наф олувчи/Қарз берувчи Суғурталовчининг ўз вақтида хабардор қилмаган тақдирда;

- суғурта ҳодисаси суғурта шартномасида кўрсатилган географик зонадан ташқарида автотранспорт воситасидан фойдаланганда юз берган бўлса.

4.3.2. Агар ҳодиса қуйидагилар оқибатида юзага келган бўлса, Суғурталовчи суғурта товонини ва суғурта суммасини тўлашдан озод этилади:

- автотранспорт воситасидан бошқаришга ўргатиш мақсадида ёки мусобақаларда ва синовларда иштирок этиш, фойдаланиш;

- ядровий портлаш, радиация ёки радиоактив тарқалиш таъсир этиши;

- ҳарбий ҳаракатлар, маневрлар ёки бошқа ҳарбий чора-тадбирлар.

V. СУҒУРТА ҚИЙМАТИ, СУҒУРТА СУММАСИ, ФРАНШИЗА МИҚДОРИ, СУҒУРТА МУКОФОТИ, УНИ ТЎЛАШ ШАКЛИ ВА ТАРТИБИ.

5.1. Кредит шартномасига асосан ажратилаётган кредит суммаси ушбу суғурта шартномасининг 1-Иловасида кўрсатилган.

5.2. Гаровга қўйилаётган автотранспорт воситасининг суғурта қиймати ушбу суғурта шартномасининг 1-Иловасида кўрсатилган.

5.3. Мазкур суғурта шартномаси бўйича суғурта суммаси ушбу суғурта шартномасининг 1-Иловасида кўрсатилган.

5.4. Мазкур шартнома бўйича умумий суғурта мукофоти (бадал) ушбу суғурта шартномасининг 1-Иловасида кўрсатилган.

5.5. Суғурта мукофоти Суғурта қилдирувчи/Қарз олувчи томонидан бир йўла нақд пул, пул ўтказиш йўли билан мазкур шартнома имзоланганидан кейин 3 (уч) банк куни ичида тўланади.

5.6. Суғурта полиси суғурта мукофоти нақд пулсиз тўланганда Суғурталовчининг ҳисоб рақамига келиб тушганидан кейин 3 (уч) банк куни ичида, нақд пул билан тўланганда эса ўша вақтнинг ўзида берилади.

5.7. Агар суғурта пули суғурта қийматидан кам қилиб белгиланган бўлса, суғурталовчи суғурта ҳодисаси юз берганида суғурта қилдирувчига (наф олувчига) у кўрган зарарни суғурта пулининг суғурта қийматига бўлган нисбатига мутаносиб равишда қоплаши шарт.

5.8. Ҳар бир суғурта ҳодисаси бўйича ва ҳар бир автотранспорт воситаси бўйича шартсиз франшизанинг миқдори ҳар бир автотранспорт воситасининг суғурта суммасидан 0,0 (ноль) фоизни ташкил этади.

5.9. Мазкур суғурта шартномаси бўйича барча ҳисоб китоблар Ўзбекистон Республикасининг миллий валютасида (сўмда) амалга оширилади.

VI. СУҒУРТА ШАРТНОМАСИНИНГ АМАЛ ҚИЛИШ МУДДАТИ.

6.1. Мазкур суғурта шартномаси ушбу суғурта шартномасининг 1-Иловасида кўрсатилган муддатга тузилган.

6.2. Суғурталовчининг жавобгарлиги суғурта мукофоти (транши/қисми) Суғурталовчининг ҳисоб рақамига келиб тушгандан бошланади ва суғурта полисида кўрсатилган муддатда амал қилади.

6.2.1. Қарз олувчининг олган кредитини қайтара олмаслик жавобгарлигини суғурта қилиш бўйича суғурталовчининг жавобгарлиги суғурта мукофоти (бадали) тўланган кундан бошлаб кучга киради ва ушбу суғурта шартномасининг 1-Иловасида кўрсатилган муддат амал қилади. Агар мазкур муддат ичида автотранспорт воситаси харид қилинганидан сўнг мазкур риск бўйича суғурта жавобгарлиги тўхтатилади ва суғурта муддати автотранспорт воситасининг йўқотилиши ёки шикастланиши rischi бўйича давом эттирилади.

6.2.2. Автотранспорт воситасининг йўқотилиши ёки шикастланиши rischi бўйича Суғурталовчининг жавобгарлиги мазкур суғурталанаётган автотранспорт воситаси харид қилингандан ва расмийлаштирилгандан бошлаб кредит муддатининг охиригача амал қилади.

6.3. Суғурталаш муддати суғурта полисида қайд этилади.

6.4. Кредит шартномаси узайтирилганда, суғурталаш даври қўшимча суғурта мукофотини тўлаш шarti билан узайтирилади.

6.5. Агар Суғурта қилдирувчи/Қарз олувчи Наф олувчининг/Қарз берувчининг олдидаги қарзни қоплаш бўйича ўз мажбуриятларини муддатидан илгари тўлиқ ҳажмда бажарган бўлса, суғурта шартномаси суғурталаш даври тугагунча амал қилади ва Суғурта қилдирувчи/Қарз олувчи мазкур шартноманинг шартлари бўйича Наф олувчи бўлиб қолади.

VII. СУҒУРТА ШАРТНОМАСИНИНГ ТЎХТАТИЛИШИ.

7.1. Ҳар бир томон суғурта шартномасини исталган пайтда, бошқа томонни охириги манзили бўйича юборилган хат билан, тахминий бекор қилиш санасидан кечи билан ўттиз кун аввал хабардор қилган ҳолда, бекор қилиш ҳуқуқига эга.

7.2. Суғурта шартномасининг амал қилиши қуйидаги ҳолларда тўхтатилади:

- унинг амал қилиш муддати тугаганда;
- Суғурталовчи шартнома бўйича ўзининг мажбуриятларини тўлиқ ҳажмда бажарганда;
- шартнома томонлардан бирининг талабига кўра бекор қилингандан;
- Суғурталовчининг Ўзбекистон Республикасининг қонунчилиги билан белгиланган тартибда тугатилганда;

- жисмоний шахс бўлган Суғурта қилдирувчининг/Қарз олувчининг вафот этиши, агар учинчи шахс Суғурта қилдирувчининг вазифаларини бажаришни ўз зиммасига олмаган бўлса;

- суд суғурта шартномасини ҳақиқий эмас деб тан олиш тўғрисида қарор қабул қилган бўлса;

- Ўзбекистон Республикасининг қонунчилигида кўзда тутилган бошқа ҳолатларда.

7.3. Агар Суғурта қилдирувчи/Қарз олувчи суғурта шартномаси шартларига мувофиқ суғурта

мукофотининг навбатдаги қисми (транши)ни ўз вақтида тўламаган бўлса, мазкур суғурта шартномаси Суғурталовчи томонидан бир тарафлама бекор бўлган ҳисобланади ва Суғурталовчи ушбу суғурта шартномаси бўйича жавобгарлик олиб бормайди.

7.4. Навбатдаги суғурта бадали (навбатдаги транш) тўланганидан сўнг суғурта шартномаси қайта кучга киради, лекин суғурта шартномаси тўхтатилган кундан кейинги транш тўлангунгача бўлган суғурта ҳодисалари бўйича суғурта компанияси жавобгар ҳисобланмайди. Навбатдаги бадал (транш суммаси) ўз вақтида тўланмаган тақдирда ҳодиса юзага келса, ҳодиса юзага келгандан сўнг навбатдаги транш тўланишидан қатъий назар суғурталовчи ўша даврда (кейинги транш ўтказиб юборилган давр) юзага келган суғурта ҳодисалари бўйича жавобгарлик олиб бормайди.

7.5. Суғурта шартномаси, агар у кучга кирганидан кейин суғурта ҳодисаси юз бериши эҳтимоли йўқолган ва суғурта хавфининг мавжуд бўлиши суғурта ҳодисасидан бошқа ҳолатлар бўйича тугаган бўлса, тузилган шартнома муддати келишидан олдин бекор бўлади. Бу ҳолда суғурта мукофоти қайтарилмайди.

7.6. Агар суғурта шартномаси тузилганидан кейин Суғурта қилдирувчи/Қарз олувчи Суғурталовчига ҳолатлар тўғрисида била туриб ёлғон маълумот бергани аниқланса, Суғурталовчи суғурта шартномасини ҳақиқий эмас деб тан олишни талаб қилиш ҳуқуқига эга ва Суғурта қилдирувчи томонидан тўланган суғурта мукофоти қайтарилмайди.

7.7. Суғурталовчи, агар Суғурта қилдирувчи/Қарз олувчи мазкур суғурта шартномасининг шартларига биноан таваккалчилик даражаси ошгани учун қўшимча суғурта мукофотини тўлашга эътироз билдирган ҳолда, суғурта шартномасини бекор қилишни талаб қилиш ҳуқуқига эга.

VIII. ТОМОНЛАРНИНГ ҲУҚУҚЛАРИ ВА МАЖБУРИЯТЛАРИ.

8.1. Суғурта қилдирувчи/Қарз олувчи қуйидаги ҳуқуқларга эга:

8.1.1. Суғурта шартномасининг бутун амал қилиши давомида Суғурталовчидан суғурта қилиш масалалари бўйича маслаҳатлар олиш.

8.1.2. Суғурта ҳодисаси юзага келганда Суғурталовчидан белгиланган тартибда суғурта товонини олиш.

8.1.3. Автотранспорт воситасига ўрнатилган қўшимча жиҳоз-ускуналарни қўшимча суғурта қилишни амалга ошириш.

8.1.4. Суғурталовчи билан келишувга биноан, суғурта шартномасига қўшимча битимни имзолаш йўли билан ўзгартиришларни ва/ёки қўшимчаларни киритиш.

8.1.5. Суғурталовчин албатта хабардор қилган ҳолда суғурта шартномасини муддатидан илгари бекор қилиш.

8.2. Суғурта қилдирувчи/Қарз олувчи қуйидагиларга мажбур:

8.2.1. Суғурталовчи талаб қилган ҳужжатларни, жумладан гаров, кредит ва транспорт воситасини олиш бўйича тегишли шартномаларни тақдим этиши шарт. Автотранспорт воситаси харид қилинганидан ва расмийлаштирилганидан сўнг Суғурта қилдирувчи (Наф олувчи) томонидан автотранспорт воситасининг техник паспорти нусхаси 5 (беш) кунлик муддатда Суғурталовчига тақдим этилиши шарт.

8.2.2. Суғурта мукофотини суғурта шартномасида белгиланган тартиб ва муддатларда тўлаш.

8.2.3. Суғурталовчига суғурталаш объекти тўғрисида тўлиқ ва ҳаққоний ахборотни бериш.

8.2.4. Суғурта шартномасининг амал қилиши даврида Суғурта қилдирувчи ёки Наф олувчи уларга маълум бўлиши билан дарҳол, лекин кўпи билан 5 (беш) банк куни ичида, Суғурталовчига суғурта объектига тегишли бўлган барча жиддий ўзгаришлар тўғрисида, агар ушбу ўзгаришлар суғурта қилиш таваккалчилигининг ортishiга жиддий таъсир этиши мумкин бўлса, жумладан қуйидагилар ҳақида хабар бериши шарт:

- суғурталанган автотранспорт воситасини ва (ёки) унинг қўшимча жиҳоз-ускуналари ва анжомларини ишончнома ёки ижара (прокат) шартномаси бўйича бериш;

- автотранспорт воситасига бўлган мулк ҳуқуқининг бошқа шахсга ўтиши;

- аризада кўрсатилган транспорт воситасидан фойдаланиш мақсадларининг ўзгариши;

- қўшимча газ жиҳоз-ускуналарини ўрнатиш;

- автотранспорт воситасини ЙХХБ органларида рўйхатдан олиш ёки қайта рўйхатдан ўтказиш;

- суғурталанган автотранспорт воситаси учун рўйхат ҳужжатлари, автотранспорт воситасининг қалитлари, сигнализацияни бошқариш пульти, рўйхат (рақам) белгиларининг йўқотилиши ёки ўғирланиши.

8.2.5. Суғурта объектларини кўздан кечириш учун имконият бериш.

8.2.6. Суғурталанган автотранспорт воситаси билан мазкур суғурта шартномасининг 3.1.2. бандида кўрсатиб ўтилган таваккалчиликлар содир бўлганда Суғурта қилдирувчи/Қарз олувчи:

- а) зудлик билан, имкони туғилиши билан, лекин ҳодиса юзага келиши пайтидан кўпи билан 24 соат ичида, Суғурталовчига ёки унинг вакилига ҳодиса жойини аниқ кўрсатган ҳолда билдириш. Билдиришдан кейин 72 (етмиш икки) соат ичида Суғурта қилдирувчи/Наф олувчи Суғурталовчига ҳодисанинг сабаблари ва ҳолатлари баён этилган хабарномани ёзма шаклда (факс ёки бошқа шаклда) юбориши лозим;

- б) зудлик билан юз берган воқеа тўғрисида ҳуқуқни муҳофаза қилиш органларига хабар бериш;

- в) Суғурталовчига тергов органлари томонидан таъинланган ушбу ҳодиса бўйича жиноий ишнинг

қўзғатилиши ёки тўхтатилиши тўғрисида, ёки ишни судга жўнатиш тўғрисидаги қарорларининг нусхаларини тақдим этиш;

г) Суғурталовчига шикастланган автотранспорт воситасини қўздан кечириш учун тақдим этиш, автотранспорт воситасининг барча шикастланган қисмларининг фотосуратларини олиш ёки видео суратга олиш, Суғурталовчи билан автотранспорт воситасини таъмирлаш ишларини бажариш бошланишигача ўзининг кейинги ҳаракатларини келишиб олиш;

д) Суғурталовчига барча ишлар, эҳтиёт қисмлар ва материаллар рўйхати кўрсатилган таъмирлашни бажариш учун калькуляцияларнинг нусхаларини тақдим этиш;

е) Суғурталовчига тергов органлари томонидан тасдиқланган ушбу ҳодиса бўйича жиноий ишнинг қўзғатилиши ёки тўхтатилиши тўғрисида, ёки ишни судга жўнатиш тўғрисидаги қарорларининг нусхаларини тақдим этиш;

ж) Суғурталовчининг талабига асосан суғурта ҳодиса билан боғлиқ бўлган бошқа ҳужжатлар.

8.2.7. Наф олувчи/Қарз берувчи мазкур суғурта шартномасининг 3.1.1. бандида кўрсатиб ўтилган таваккалчиликлар содир бўлганда қуйидаги ҳужжатларни Суғурталовчига тақдим этади:

- Суғурта ҳодисаси бўйича ариза;

• Қарз олувчи кредитни сўндириш учун пул маблағлари ўтказиш ҳақида тўлов топшириқномалари нусхалари;

- кредит шартномаси амал қилган муддатда маблағлар ҳаракати тўғрисида Қарз олувчининг асосий ва ссуда ҳисоб рақамларидан кўчирмалар;

- жорий санада Қарз олувчининг ҳисоб рақамидаги маблағлар сальдоси тўғрисида банк маълумотномаси;

- Қарз олувчи умидсиз деб тавсифланлигини тасдиқловчи банк Бошқаруви қарори нусхалари тақдим этилиши лозим.

- Кредит шартномасини муддатидан олдин бекор қилиш тўғрисидаги Бошқаруви қарори нусхаси;

- ўтказилган мониторинг натижасида Қарз олувчини тўлов қобилиятига эга эмаслиги тўғрисида мониторинг ҳужжатлари нусхаларини;

- Қарз олувчи вафот этганлиги бўйича ҳужжат нусхалари;

- Суғурталовчининг талабига асосан суғурта ҳодиса билан боғлиқ бўлган бошқа ҳужжатлар.

8.2.8. Суғурталовчига суғурта шартномасининг амал қилиши даври мобайнида суғурталанган автотранспорт воситасининг ҳолатини, шунингдек Суғурта қилдирувчи томонидан автотранспорт воситаси тўғрисида билдирилган маълумотларнинг тўғрилигини текшириш имконини бериш.

8.2.9. Олган кредитни суғурталовчига тақдим этилган аризада ва кредит шартномасида кўрсатилган мақсадларгагина ишлатиш.

8.2.10. Суғурталовчи томонидан суғурта товони тўлаб берилиши мажбурияти юзага келганда ва ушбу суғурта товони мустақил баҳолаш ташкилоти томонидан берилган хулосасига асосан шикастланган автотранспорт воситасининг эҳтиёт қисмларини алмаштирилиши ҳаражатларини қоплаши кўзда тутилган бўлса, Суғурта қилдирувчи автотранспорт воситасининг алмаштирилган эҳтиёт қисмларини Суғурталовчининг ихтиёрига тақдим этиш.

8.3. Суғурталовчи қуйидаги ҳуқуқларга эга:

8.3.1. Суғурта шартномасининг амал қилиши даврида суғурталанган автотранспорт воситасининг ҳолатини ва қийматини, шунингдек Суғурта қилдирувчи томонидан автотранспорт воситаси тўғрисида билдирилган маълумотларнинг тўғрилигини текшириш.

8.3.2. Суғурта қилдирувчи/Қарз олувчидан суғурта ҳодисаси тўғрисидаги ёзма хабарномани кутмай, суғурта ҳодисаси билан етказилган зарарларни кўриб чиқишга ва баҳолашга киришиш.

8.3.3. Суғурта ҳодисаси юзага келганда таваккалчиликнинг даражасини тавсифлайдиган қўшимча ҳужжатларни талаб қилиш.

8.3.4. Суғурта ҳодисаси юзага келганлиги ҳолатини ва сабабларини тасдиқловчи тўлиқ маълумот ва керакли ҳужжатлар олинишигача, шунингдек ҳодиса юзага келиши ҳолати бўйича жиноий иш қўзғатилиши ҳолатида - ваколатли органлар томонидан тегишли қарор қабул қилиниши пайтигача суғурта товонини тўлашни кечиктириш.

8.3.5. Агар у суғурта таваккалчилигининг ортишига олиб келувчи ҳолатлар тўғрисида хабардор этилган бўлса, ўзаро қўшимча битимни имзолаш орқали суғурта шартномасининг шартларини ўзгартириш ёки суғурта шартномасини бекор қилиш.

8.3.6. Суғурталовчи томонидан суғурта товони тўлаб берилиши мажбурияти юзага келганда ва ушбу суғурта товони мустақил баҳолаш ташкилоти томонидан берилган хулосасига асосан шикастланган автотранспорт воситасининг эҳтиёт қисмларини алмаштирилиши ҳаражатларини қоплаши кўзда тутилган бўлса, Суғурта қилдирувчидан автотранспорт воситасининг алмаштирилган эҳтиёт қисмларини қабул қилиб олиш.

8.4. Суғурталовчи қуйидагиларга мажбур:

8.4.1. Суғурта полисини ушбу шартномада белгиланган муддатда бериш.

8.4.2. Барча керакли ҳужжатлар олинишидан ра суғурта ҳодиса юзага келганлиги ҳолати эътироф

 ISO 9001:2015	ГАРОВГА БЕРИЛАЁТГАН АВТОТРАНСПОРТ ВОСИТАЛАРИ ВА АВТОКРЕДИТЛАРНИ СУҒУРТА ҚИЛИШ БОШ ШАРТНОМАСИ	SEMURG insurance online Бет - 7 -
--	---	---

этилганидан кейин 10 кунлик муддатда суғурта товонини тўлаш.

8.4.3. Суғурта қилдирувчи, Наф олувчи билан муносабатларда махфийликни таъминлаш.

8.4.4. Суғурта товонини тўлашдан аввал Наф олувчини бу ҳақда ёзма огоҳлантириш.

8.5. Наф олувчи қуйидаги ҳуқуқларга эга:

8.5.1. Суғурта товони суммасидан ўз талабларини устувор тарзда, лекин Суғурта қилдирувчи/Қарз олувчининг қарз бўйича Наф олувчи/Қарз берувчининг олдида қарздорлиги суммасидан ошмаган ҳолда қондириш.

8.6. Наф олувчи қуйидагиларга мажбур:

8.6.1. Суғурталовчини кредит шартномасининг узайтирилиши тўғрисида, шунингдек Суғурта қилдирувчи/Қарз олувчи томонидан кредитнинг муддатидан илгари қопланиши тўғрисида хабардор этиш.

IX. СУҒУРТА ТОВОНИНИ ТЎЛАШ ТАРТИБИ ВА ШАРТЛАРИ.

9.1. Қарз олувчининг олган кредитини қайтара олмаслик жавобгарлигини суғурта қилиш бўйича:

9.1.1. Суғурта ҳодисаси юзага келганда Наф олувчи/Қарз берувчи 3 (уч) кунлик муддатда суғурталовчини белгиланган тартибдаги ариза билан кредитнинг қайтарилмаслик сабаблари ва уни қайтариш бўйича қўрилаган барча чоралари тўғрисида ёзма тарзда мурожаат қилиши шарт.

Аризага

ҳужжатлар илова қилиниши лозим:

- кредит бўйича қарздорлик акс эттирилган ҳужжат;

- кредитни мақсадли ишлатилганлигини ва белгиланган муддатларда уни қайтарилиши бўйича қўрилган чораларни тасдиқловчи ҳужжатлар нусхалари.

9.1.2. Кредит белгиланган муддатда қайтарилмаганда, Наф олувчи/Қарз берувчи биринчи навбатда гаровдаги таъминот (мулк) ёки олинган кафилликдан фойдаланади (ундирилади), сўнг қарз олувчининг олган кредитини қайтара олмаслик жавобгарлигини суғурта қилиш полисидан фойдаланади.

9.1.3. Суғурта қилдирувчининг аризаси кўриб чиқилганидан ва кредит қайтарилмаганлиги аниқлангандан сўнг, Қарз олувчи, Қарз берувчи ва Суғурталовчи ўртасида 3 томонлама, 3 нусхада далолатнома тузилади. Далолатнома Суғурталовчининг амалдаги қонунчиликка асосан суғурта тўловини тўлаш ёки рад этиш ҳуқуқи мавжуд бўлган масъул ходими томонидан имзоланади.

9.1.4. Суғурталовчи томонидан Наф олувчи/Қарз берувчига суғурта тўлови амалга оширганидан сўнг, Наф олувчи/Қарз берувчига кредиторларидан (суғурта ҳодисаси юзага келишида айбдор) келиб тушган маблағлар Суғурталовчининг ҳисоб рақамига тўланган суғурта тўлови учун ўтказилиши шарт.

9.1.5. Суғурталовчи суброгация ҳуқуқидан фойдаланиб, тўлаган суғурта тўлови суммасини ундиргандан сўнг Наф олувчи/Қарз берувчи берган ҳуқуқ бўйича қолган ортиқча маблағ Суғурталовчи томонидан Суғурта қилдирувчига қайтариб берилади.

9.2. Автотранспорт воситасининг йўқотилиши ёки шикастланиши rischi бўйича Суғурта қилдирувчи/Қарз олувчи суғурта ҳодисаси юз бергани ўзига маълум бўлганидан кейин бу ҳақда дарҳол (72 соат ичида) Суғурталовчини ёки унинг вакилини хабардор қилиши шарт. Ушбу мажбуриятнинг бажарилмаслиги Суғурталовчига, агар суғурталовчи суғурта ҳодисаси юз берганини ўз вақтида билганлиги, ёхуд бу ҳақда суғурталовчида маълумотлар йўқлиги унинг суғурта товонини тўлаш мажбуриятига таъсир этмаслиги исботланмаса, суғурта товонини тўлашни рад этиш ҳуқуқини беради (ЎЗР ФК нинг 951-моддаси).

9.2.1. Ҳодиса тўғрисидаги аризада Суғурта қилдирувчи/Қарз олувчи қуйидагиларни кўрсатади:

- ҳодисанинг санаси ва тафсилотлари;

- ҳодиса юзага келганда Суғурта қилдирувчи/Қарз олувчининг амалга оширган ҳаракатлари;

- шикастланган мазкур автотранспорт воситасининг бошқа суғурта шартномалари асосида суғурталанганлиги ёки йўқлиги тўғрисида;

- учинчи шахслардан олинган зарар компенсациясининг миқдори.

9.2.2. Аризага мазкур суғурта шартномасининг 8.2.6. бандида кўрсатиб ўтилган ҳужжатлар илова қилинади.

9.2.3. Суғурталовчи суғурта ҳодисасининг ҳолатларига боғлиқ ҳолда қўшимча маълумот ва ҳужжатларни талаб қилишга ҳақлидир.

9.2.4. Суғурта қилдирувчи/Қарз олувчининг аризаси берилганидан кейин 3 кунлик муддатда Суғурталовчи томонидан Суғурта қилдирувчи/Қарз олувчининг иштирокида шикастланган автотранспорт воситасини қўздан кечириш далолатномаси тузилади.

9.2.5. Суғурта ҳодисаси тўғрисида далолатнома барча керакли ҳужжатлар олинганидан ва Суғурталовчи томонидан тегишли қарор қабул қилинганидан кейин тузилади. Уни тузиш учун Суғурталовчи, зарур бўлганда, суғурта ҳодисаси билан боғлиқ бўлган маълумотларни ҳуқуқий муҳофаза қилиш органларидан ва суғурта ҳодисасининг ҳолатлари тўғрисида маълумотга эга бўлган бошқа муассасалардан сўраб олади, шунингдек суғурта ҳодисасининг сабабларини ва ҳолатларини мустақил аниқлаш ҳуқуқига эга.

9.2.6. Суғурта ҳодисасининг ҳолатларини тергов қилиш учун, Суғурталовчи ёки Суғурта қилдирувчи/Қарз олувчи мустақил экспертларни (бошқа мустақил баҳоловчи) жалб қилиш ҳуқуқига эга.

Уларнинг хулосаси суғурта товонини тўлаш суммасини ўзгартириш учун асос бўлади.

9.2.7. Суғурта товони суммасига шунингдек (тасдиқловчи ҳужжатлар мавжуд бўлганда) Суғурта қилдирувчи/Қарз олувчининг калькуляцияни тузиш ва фото (видео) суратга олиш учун харажатлари киритилади.

Суғурта товони микдори суғурта шартномасида/полисида белгиланган суғурта суммасидан ошмаслиги лозим.

Суғурта товони суммасига киритилмайди:

- ишлаб чиқарувчи завод томонидан чиқарилган брак;
- автотранспорт воситасига техник хизмат кўрсатиш ва кафолатли таъмирлаш қиймати;
- автотранспорт воситасининг реконструкцияси, унинг қисмларини, деталлари ва анжомларини эскирганлиги, техник брак ва ҳоказолар туфайли таъмирлаш (алмаштириш) билан боғлиқ бўлган ишларнинг қиймати

Суғурта товонини тўлаш автотранспорт воситасининг алмаштирилиши лозим бўлган эҳтиёт қисмларининг табиий эскиришини ҳисобга олган ҳолда (табиий эскириш суммаси айирилган ҳолда) амалга оширилади.

9.2.8. Агар суғурта ҳодисаси юзага келишига сабаб бўлган ҳолатлар бўйича жиноий иш қўзғатилган ёки суд процесси бошланган бўлса, суғурта товони тўғрисида қарор қабул қилиш тергов ёки судда иш қўрилиши тугагунга қадар кечиктирилиши мумкин.

9.2.9. Суғурта товони Суғурталовчи томонидан у барча керакли ҳужжатлар олганидан ва суғурта ҳодисаси эътироф этилганидан кейин 10 банк куни ичида тўланади.

9.2.10. Барча ҳолларда суғурта товони суғурта шартномасида/полисида белгиланган шартсиз франшиза суммаси айирилган ҳолда ҳисобланади.

9.2.11. Суғурта шартномаси бўйича суғурта суммасидан камроқ суғурта товони тўланган ҳолда шартнома ўз муддатининг охиригача, шартномада белгиланган суғурта суммаси ва тўланган суғурта товони ўртасидаги фарқ микдорида ўз кучини сақлаб қолади.

9.2.12. Суғурта қилдирувчи/Қарз олувчи, агар зарар тўлиқ қопланган бўлса ёки суғурта товони суднинг қарорига кўра зарар етказилишига айбдор бўлган шахс томонидан амалга оширилса, суғурта товонини олиш ҳуқуқидан маҳрум бўлади.

9.2.13. Агар Суғурта қилдирувчи/Қарз олувчи ёки Наф олувчи/Қарз берувчи айбдор ёки учинчи шахслардан зарарни қоплаш бўйича суммани олса, Суғурталовчи фақат суғурталаш шартларига кўра тўланиши лозим бўлган сумма ва айбдор ёки учинчи шахслардан олинган сумма орасидаги фарқни тўлайди.

9.2.14. Суғурталовчининг суғурта товонини ёки суғурта пулини тўлашни рад этиш тўғрисидаги қарори Суғурта қилдирувчига ёки Наф олувчига улар суғурта товонини ёки суғурта пулини тўлашни сўраб мурожаат этганларидан кейин ўн беш кундан кечиктирмай хабар қилиниши ва рад этиш сабабларининг асослантирилган далил-исботларини ўз ичига олган бўлиши лозим.

9.2.15. Суғурталовчининг суғурта товонини ёки суғурта суммасини тўлашни рад этиш қарори устидан, унга судда даъво билдириш йўли билан шикоят қилиниши мумкин.

9.3. Суғурта товонини тўлиқ ёки қисман тўлаган Суғурталовчининг ушбу сумма доирасида зарар етказганлик учун жавобгар бўлган шахсга нисбатан талаб қилиш ҳуқуқи Ўзбекистон Республикасининг амалдаги қонунчилигига кўра ушбу суммага ўтади, бундан ташқари, агар суғурта ҳодисаси юз берганда масъул шахс Суғурта қилдирувчи ёки Наф олувчи (ёки уларнинг ҳайдовчилари) суғурта ҳодисаси юз беришида жавобгар шахс бўлган ҳоллар бундан мустасно.

9.4. Суғурта қилдирувчи ёки Наф олувчи Суғурталовчига Суғурталовчи томонидан унга ўтган талаб қилиш ҳуқуқини амалга ошириши учун зарур бўлган барча ҳужжатларни ва исботларни бериши ва унга барча керакли маълумотларни тақдим этиши шарт.

9.5. Агар Суғурта қилдирувчи ёки Наф олувчи ўзининг Суғурталовчи томонидан қопланган зарарлар учун жавобгар бўлган шахсга нисбатан талаб қилиш ҳуқуқидан воз кечган бўлса ёки Суғурта қилдирувчи/Қарз олувчининг ёки Наф олувчи/Қарзберувчининг айби билан ушбу ҳуқуқни амалга ошириш мумкин бўлмай қолса, Суғурталовчи суғурта товонини тўлашдан тўлиқ ёки тегишли қисмида озод этилади ва ортиқча тўланган тоvon суммасини қайтарилишини талаб қилишга ҳақли бўлади.

Х. ТОМОНЛАРНИНГ ЖАВОБГАРЛИГИ.

10.1. Ўз зиммасига олинган мажбуриятларнинг бажарилмаслиги ёки тегишлича бажарилмаслиги учун томонлар Ўзбекистон Республикасининг амалдаги қонунчилигига мувофиқ жавобгар бўлади.

10.2. Агар томонларнинг ушбу шартнома бўйича ўз мажбуриятларини бажармаслиги енгиб бўлмайдиган кучдаги ҳолатлар туфайли юзага келган бўлса, улар жавобгарликдан озод қилинади (форс-мажор). Енгиб бўлмайдиган кучдаги ҳолатлар таъсирига учраган томон бошқа томонни ушбу ҳолатларнинг юзага келганлиги ва эҳтимолий давом этиш муддати тўғрисида зудлик билан огоҳлантириши лозим.

ХІ. БОШҚА ШАРТЛАР.

 ISO 9001:2015	ГАРОВГА БЕРИЛАЁТГАН АВТОТРАНСПОРТ ВОСИТАЛАРИ ВА АВТОКРЕДИТЛАРНИ СУҒУРТА ҚИЛИШ БОШ ШАРТНОМАСИ	SEMURG insurance online Бет - 9 -
--	---	---

11.1. Юридик шахс бўлган Суғурта қилдирувчи/Қарз олувчининг қайта ташкил этилиши ҳолатида ҳамда жисмоний шахс булган Суғурта қилдирувчи/Қарз олувчи вафот этса суғурта шартномаси бўйича ҳуқуқлар ва мажбуриятлар унинг ҳуқуқий ворисига ўтади, Суғурта қилдирувчи/Қарз олувчи Суғурталовчига бу ҳақда ёзма ҳолда билдиради.

11.1.1. Суғурталанган автотранспорт воситасига мулк ҳуқуқлари суғурта шартномаси унинг манфаатида тузилган шахсдан бошқа шахсга ўтганда, шартнома бўйича ҳуқуқлар ва мажбуриятлар ҳам автотранспорт воситаси бўйича ҳуқуқлар ўтган шахсга ўтади. Ҳуқуқлар унга ўтказилган шахс Суғурталовчини бу ҳақда 3 кунлик муддатда ёзма тарзда хабардор этиши лозим.

11.2. Суғурта шартномаси бўйича ҳуқуқлар ва мажбуриятларнинг учинчи шахсга ўтказилишига томонларнинг ёзма розилигисиз йўл қўйилмайди.

11.3. Томонлар форс-мажор ҳолатлари амал қилиш даврида суғурта шартномаси бўйича ўз мажбуриятларининг қисман ёки тўлиқ бажарилмаслиги учун жавобгар бўлмайди.

11.4. Форс-мажор ҳолатларига қуйидагилар киради: уруш ва ҳарбий ҳаракатлар, иш ташлашлар, блокадалар, давлат ташкилотларининг ва давлатлар орасидаги чеклов ва тақиқлаш чора-тадбирлари.

11.5. Форс-мажор ҳолатлар юзага келиши тўғрисида томонлар бир-бирини ёзма тарзда хабардор қилади.

11.6. Форс-мажор ҳолатлар юзага келган ҳолда, томонларнинг мажбуриятларини бажариши муддати форс-мажор ҳолатлари амал қилган вақтга мутаносиб ҳолда кечиктирилади.

11.7. Мазкур шартномада таърифланмаган барча масалалар бўйича томонлар Ўзбекистон Республикасининг амалдаги қонунчилигига таянади.

ХII. НИЗОЛАРНИ ҲАЛ ЭТИШ ТАРТИБИ.

12.1. Суғурта шартномасидан келиб чиқадиган барча низолар қонунчилик билан белгиланган тартибда ҳал этилади.

ХIII. ТОМОНЛАРНИНГ ЮРИДИК МАНЗИЛЛАРИ:

СУҒУРТАЛОВЧИ:
“SEMURG INSURANCE” АЖ

НАФ ОЛУВЧИ:
“DAVR BANK” ХАТБ

Манзил: Тошкент шаҳри, Яшнабод тумани,
Содиқ Азимов кўчаси, 50 уй.
Х/р: 2021 4000 9052 0466 7087
Банк: ХАТБ “DAVR BANK” Олмазор филиали
Банк коди: 01121
СТИР: 307 281 137
Тел.: +998 71 205-11-55

Манзил: Тошкент шаҳри, Навоий-Зарқайнар
кўчаси, Блок А.
Х/р: 2980 1000 3000 0098 1776
Банк коди: 00881
СТИР: 203 709 707
Тел.: +998 71 204-40-40

ТОМОНЛАРНИНГ ИМЗОЛАРИ:

СУҒУРТАЛОВЧИ НОМИДАН:

Бош директор
Р.К.Кадиров

ИМЗО



НАФ ОЛУВЧИ НОМИДАН:

Бошқарув Раиси
А.А.Самадов

ИМЗО



М.Ў.

2024 йил «30» июлдаги
25-84-241098- сонли гаровга берилаётган
автотранспорт воситалари ва
автокредитларни суғурта қилиш бош
шартномасининг 1-илоvasи

ДЕКЛАРАЦИЯ

1-бўлим. Умумий маълумотлар:		
1.1.	Суғурта қилдирувчи/Қарз олувчи	
1.2.	Наф олувчи/Қарз берувчи	
1.3.	Суғурта даври	Суғурта полисида кўрсатилади
1.4.	Кредит шартномаси санаси ва рақами	
1.5.	Кредит суммаси	
1.6.	Кредит шартномасининг даври	____ (____) ой
2-бўлим. Автотранспорт воситаси ҳақида маълумотлар:		
2.1.	Автотранспорт воситаси русуми ва ишлаб чиқарилган йили	
2.2.	Автотранспорт воситаси техпаспорт рақами ва берилган вақти	
2.3.	Автотранспорт воситаси давлат рақами	
2.4.	Автотранспорт воситасининг суғурта қиймати	
2.5.	Кредитини қайтара олмаслик жавобгарлиги бўйича суғурта суммаси	
2.6.	Автотранспорт воситасининг суғурта суммаси	
3-бўлим. Умумий суғурта мукофоти:		
3.1.	Шартнома бўйича умумий суғурта мукофоти	
3.1.1.	Автотранспорт воситаси бўйича суғурта мукофоти	
3.1.2.	Кредитларни суғурталаш бўйича суғурта мукофоти	
3.2.	Тўланган суғурта мукофоти	
Суғурта қилдирувчи ушбу декларацияда хабар қилинган маълумотлар ҳаққонийлигини ҳамда суғурта шартномаси тузиш ва имзолаш учун асос бўла олишини тасдиқлайди. Шу билан биргаликда, Суғурта қилдирувчи суғурта шартномаси билан танишганлиги ва суғурта шартларига розилиги тасдиқлайди.		

ТОМОНЛАРНИНГ ИМЗОЛАРИ:

Суғурталовчи
номидан


Суғурта қилдирувчи/Қарз
олувчи номидан

Наф олувчи/Қарз берувчи
номидан

(имзо) м.ў.

м.ў.

(имзо) м.ў.



ГАРОВГА БЕРИЛАЁТГАН АВТОТРАНСПОРТ ВОСИТАЛАРИ ВА АВТОКРЕДИТЛАРНИ СУЎУРТА ҚИЛИШ СУЎУРТА ПОЛИСИ

“SEMURG INSURANCE” АЖ, 2024 йил 30 июлдаги 25-84-241098 – сонли гаровга берилаётган автотранспорт воситалари ва автокредитларни суғурта қилиш бош шартномасида кўрсатилган таваккалчиликлардан суғурта ҳимоясини тақдим этади:

1. Суғурта қилдирувчи/Қарз олувчи:			
2. Наф олувчи/Қарз берувчи:			
3. Автотранспорт воситаси русуми:			
4. Автотранспорт воситаси қиймати:	_____ (_____) сум.		
5. Кредит суммаси:	_____ (_____) сум.		
6. Суғурталанган таваккалчиликлар, суғурта суммаси ва суғурта мукофоти:	Суғурталанган таваккалчиликлар	Суғурта суммаси	Суғурта мукофоти
	Қарз олувчининг олган кредитини қайтара олмаслик жавобгарлигини суғурта қилиш	(_____) сўм	(_____) сўм
	Автотранспорт воситасининг йўқотилиши ёки шикастланиши	(_____) сўм	
7. Суғурталаш даври:	20__ й. “__” _____ дан 20__ й. “__” _____ гача амал қилади.		
8. Суғурта мукофотини тўлаш санаси:	«__» _____ 20__ г.		
<u>Автотранспорт воситаси харид қилиниб, расмийлаштирилгандан ва Гаровга қўйилгандан сўнг Суғурта қилдирувчи ёки Наф олувчи томонидан автотранспорт воситасининг техник паспорти нусхаси 5 (беш) кунлик муддатда Суғурталовчига тақдим этилиши шарт.</u>			

Суғурталовчи номидан:

(имзо) м.ў.

Берилган сана: 20__ й. “__” _____